

- Unha vez tramitado o expediente, practicaranse os aboamentos ou esixiranse as diferenzas que procedan.
- Autorizada a utilización ou aproveitamento, entenderase prorrogado automaticamente, ata que a baixa sexa solicitada polo interesado. A non presentación da baixa determinará a obriga de continuar aboando a taxa.
- Cando por causas non imputables ó suxeito pasivo a utilización ou aproveitamento non se leve finalmente a cabo, o Concello procederá a devolución da taxa correspondente.

ARTIGO 9º. – INFRACCIÓNS E SANCIÓNS

Nesta materia estarase ó disposto na Lei Xeral tributaria e normativa de desenvolvemento.

DISPOSICIÓN FINAL.

A modificación da presente Ordenanza Fiscal, unha vez publicada integramente no Boletín Oficial da Provincia, entrará en vigor o 1 de xaneiro de 2013, permanecendo en vigor ata a súa modificación ou derogación expresa.

ORDENANZA REGULADORA DA TAXA POR OCUPACIÓN DO VOO DE TODA CLASE DE VÍAS PÚBLICAS LOCAIS, CON ELEMENTOS CONSTRUCTIVOS PECHADOS, TERRAZAS, MIRADORES, BALCÓNS, MARQUESIÑAS, TOLDOS, PARAVENTOS, E OUTRAS INSTALACIÓNS SEMELLANTES, VOADIZAS SOBRE A VÍA PÚBLICA, OU QUE SOBRESAIAN DA LIÑA DE FACHADA.

ARTIGO 1º. – NATUREZA E FUNDAMENTO

O Pleno do Concello, no uso das facultades concedidas polos artigos 133.2 e 142 da Constitución, polo artigo 106 da Lei 7/85, do 2 de abril, reguladora das bases do Réxime Local, e polos artigos 15 a 19 e 57 do Real Decreto Lexislativo 2/2004 de 5 de marzo, polo que se aproba o texto refundido da Lei Reguladora das Facendas Locais, acorda a imposición e ordenación da Taxa por ocupación do voo de toda clase de vías públicas locais, con elementos construtivos pechados, terrazas, miradores, balcóns, marquesiñas, toldos, paraventos, e outras instalacións semellantes, voadizas sobre a vía pública, ou que sobresaian da liña de fachada.

ARTIGO 2º. – FEITO IMPOÑIBLE

Constitúen o feito impoñible da taxa a utilización privativa ou aproveitamento especial do dominio público municipal polos conceptos que se sinalan no título da taxa.

ARTIGO 3º. – SUXEITOS PASIVOS.

Serán suxeitos pasivos desta taxa as persoas físicas ou xurídicas e as entidades ás que se refire o artigo 35.4 da Lei 58/2003 Xeral Tributaria que gocen, utilicen ou aproveiten especialmente o dominio público local en beneficio particular, consonte algún dos supostos citados no feito impoñible.

ARTIGO 4º. – RESPONSABLES.

Serán responsables solidarios e subsidiarios das obrigas tributarias dos suxeitos pasivos as persoas físicas e xurídicas ás que se refiren os artigos 42 e 43 da Lei Xeral Tributaria.

ARTIGO 5º. – COTA TRIBUTARIA.

A contía da taxa será a resultante da aplicación das tarifas contidas neste artigo.

TARIFAS

CONCEPTO: TAXA POR OCUPACIÓN VOADIZA POR PROPIETARIOS OU USUARIOS DAS EDIFICACIÓNS	€/M ² OU FRACCIÓN/CUADRIMESTRE		
	RÚAS DE 1 ^a	RÚAS DE 2 ^a	RÚAS DE 3 ^a
Elementos construtivos pechados	0.83	0.57	0.42
Balcóns, terrazas, marquesiñas	0.42	0.29	0.22
Toldos, paraventos e semellantes	0.29	0.22	0.15

CONCEPTO: TAXA POR OCUPACIÓN VOADIZA DA VÍA PÚBLICA A SOLICITUDE DO PROMOTOR E POLO Nº DE PLANTAS AFECTADAS	€/M ² OU FRACCIÓN (POR UNHA SOA VEZ)		
	RÚAS DE 1 ^a	RÚAS DE 2 ^a	RÚAS DE 3 ^a
(Agás vivendas unifamiliares de baixo e planta)			
Elementos construtivos pechados ou abertos.	83.98	75.57	70.70

ARTIGO 6º. – BENEFICIOS FISCAIS.

Só se admitirán os beneficios que veñan establecidos nas normas con rango de lei ou deriven de tratados ou acordos internacionais.

ARTIGO 7º. – PERÍODO IMPOSITIVO E DEVENGO.

O período impositivo coincidirá co cuadrimestre natural. A taxa devéngase o primeiro día do período impositivo, salvo nos casos de alta, que se producirá no momento da citada alta.

As cotas serán irredutibles polo período sinalado, ademais de no suposto de novas altas, no caso de cese do aproveitamento especial.

ARTIGO 8º. – NORMAS DE XESTIÓN.

- As persoas ou entidades interesadas na autorización para realízalos aproveitamentos sobre o dominio público municipal a que fai referencia esta taxa, deberán presentar unha solicitude achegándolle o plano, o detalle da superficie do aproveitamento e da súa situación dentro do termo municipal. No mesmo acto de presentación da solicitude o suxeito pasivo deberá autoliquidar a taxa correspondente, segundo as tarifas fixadas no artigo 5º da presente ordenanza fiscal e utilizando o modelo establecido para tal fin.

Tramitado o expediente e previamente ó outorgamento da licenza, practicarase a liquidación tributaria correspondente, confirmando a autoliquidación practicada polo suxeito pasivo ou xerando unha liquidación complementaria se esta fora maior que a autoliquidada no seu día ou procedendo á devolución de ingresos nos supostos que fora menor.

Se a resolución administrativa fora denegatoria da pretensión formulada por causas non imputables ó suxeito pasivo, procederase á devolución do importe autoliquidado, seguíndose o trámite de devolución de ingresos indebidos.

- As declaracións de alta producirán a incorporación dos suxeitos pasivos no padrón do período impositivo seguinte.
- Cando remate o aproveitamento, os suxeitos pasivos formularán as declaracións de baixa no censo ou padrón da taxa e surtirá efectos no cuadrimestre seguinte ó de presentación da mesma. A non presentación da baixa determinará a obriga de continuar aboando a taxa.

ARTIGO 9º. – INFRACCIÓNS E SANCIÓNS.

Nesta materia estarase ó disposto na Lei Xeral Tributaria e normativa de desenvolvemento.

DISPOSICIÓN FINAL.

A modificación da presente Ordenanza Fiscal, unha vez publicada integramente no Boletín Oficial da Provincia, entrará en vigor o 1 de xaneiro de 2013, permanecendo en vigor ata a súa modificación ou derogación expresa.